

Կարգապահական գործ թիվ ԿԳ-19020

Հայաստանի Հանրապետության փաստաբանների պալատի խորհրդի 2019 թվականի սեպտեմբերի 06-ի թիվ 208-րդ ԿԳ նիստի

ՓԱՍՏԱԲԱՆ ԱՆՆԱ ԹԱՄԱԶՅԱՆԻՆ ԿԱՐԳԱՊԱՀԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՀԱՐՑԸ ՔՆՆԱՐԿԵԼՈՒ ՄԱՍԻՆ

Հայաստանի Հանրապետության փաստաբանների պալատի **(այսուհետ նաև՝ Պալատ)** խորհուրդը **(այսուհետ նաև՝ Խորհուրդ)**, նիստը նախագահող՝ Կարապետ Աղաջանյանի, Խորհրդի անդամներ՝ Սիմոն Բաբայանի, Մելանյա Աուստամյանի, Գայանե Դեմիրչյանի, Տիգրան Խուրշուդյանի, Հարություն Հարությունյանի և Նելլի Հարությունյանի կազմով,

քարտուղարությամբ՝ Նոննա Համբարձումյանի,

քննության առնելով փաստաբան Աննա Թամազյանին (արտոնագիր՝ թիվ 648) կարգապահական պատասխանատվության ենթարկելու վերաբերյալ հարցը,

ጣሀቦ 2 ৮ 8'

1. Կարգապահական վարույթ հարուցելու առիթը և հիմքը.

Համաձայն ՀՀ փաստաբանների պալատի գլխավոր հաշվապահի կողմից 06.03.2019թ. տրամադրված տեղեկանքի՝ փաստաբան Աննա Թամազյանն ունի 155.000 (մեկ հարյուր հիսունհինգ հազար) ՀՀ դրամ գումարի չափով՝ 2016թ. հուլիսից 2019թ. հունվար (ներառյալ) ամիսներն ընկած ժամանակահատվածի համար անդամավճարի մուծման չկատարված պարտավորություն։

2. Կարգապահական վարույթ հարուցելու մասին որոշումը.

11.03.2019թ. ՀՀ փաստաբանների պալատի նախագահի առաջին տեղակալի թիվ 70-Ա/ԿԳ-19020 որոշմամբ կարգապահական վարույթ է հարուցվել փաստաբան Աննա Թամազյանի նկատմամբ՝ «Փաստաբանության մասին» ՀՀ օրենքի 17-րդ հոդվածի 4-րդ մասի, 19-րդ հոդվածի 1-ին մասի 5-րդ կետի և Պալատի ընդհանուր ժողովի կողմից 11.02.2012թ. թիվ 1/4-Լ որոշմամբ հաստատված Փաստաբանի վարքագծի կանոնագրքի (այսուհետ՝ նաև Կանոնագիրք) 2.9.1 ենթակետի խախտման հատկանիշներով։

Սույն կարգապահական գործը 15.03.2019թ. հանձնվել է Պալատի խորհրդին։

Խորհրդի նիստերը տեղի են ունեցել 11.06.2019թ. ժամը 19։24֊ին, 27.08.2019թ., ժամը՝ 19։32-ին և 06.09.2019թ., ժամը 18։31 ՀՀ փաստաբանների պալատի վարչական շենքում (ք.Երևան, Ջաքիյան 7-2, 4-րդ հարկ 12 սենյակ)։

3. <u>Պատասխանողի համառոտ բացատրությունները.</u>

Փաստաբան Աննա Թամազյանը 11.06.2019 թվականին ներկայացրել է դիմում, որում նշել է, որ անդամավճար չվճարել կապված է եղել գումար չունենալու հետ, ուստի խնդրել է տրամադրել մի քանի ամիս ժամանակ անդամավճարի պարտքը վճարելու համար։

27.08.2019 թվականի Խորհրդի նիստին ներկայացել և հայտնել է, որ ունի անչափահաս երեխա, ում մեկ տարեկանը լրանում է 20.09.2019 թվականին, փաստաբանական գործունեությամբ չի զբաղվել, և հենց դա է պատճառը, որ պարտք է կուտակվել, իսկ արտոնությունից չի օգտվել, քանի որ ունեցել է պարտք, իսկ արտոնությունը տրամադրվում է պարտք չունենալու դեպքում։

Փաստաբան Աննա Թամազյանը նշել է նաև, որ դիմումներ է ներկայացրել, մասնավորապես հունիս ամսին ներկայացրած դիմումով խնդրել ժամանակացույց կազմել։

Փաստաբանը թեև պատշաճ ծանուցվել է 06.09.2019 թվականի կարգապահական նիստի վայրի, օրվա և ժամի մասին, սակայն Խորհրդի նիստին չի ներկայացել։

4. Պայատի ֆինանսական տնօրենի պարզաբանումը.

06.09.2019 թվականի Խորրդի նիստին ներկայացել է Պայատի ֆինանսական տնօրեն Իրինա Փիլոլանը և ներկալացրել պարզաբանում առ այն, որ 2018 թվականի դեկտեմբերին փաստաբան Աննա Թամազյանին էլեկտրոնային փոստով ծանուցում է ուղարկվել այն մասին, որ նա ունի 155.000 (մեկ հարլուր հիսունհինգ հազար) ՀՀ դրամ գումարի չափով որին ի պատասխան փաստաբան Աննա Թամազյանն անդամավճարի պարտը, էլեկտրոնային հաղորդագրություն է գրել և խնդրել տրամադրել երկամսյա ժամկետ, որպեսզի ամբողջությամբ մարի պարտքը՝ միաժամանակ հայտնելով, որ չվճարումը պայմանավորված է եղել այն հանգամանքով, որ հետծննդյան արձակուրդում է գտնվել և գործունեությամբ չի զբաղվել։ Այնուհետև կապ է հաստատվել փատաբան Աննա Թամազյանի հետ և պարզաբանվել, որ անդամավճարի պարտքը մարելու պարագալում կարող է օգտվել արտոնությունից, ուստի առաջարկվել է պարտքը մարել և դիմում ներկայացրել՝ արտոնություն տրամադրելու խնդրանքով։ Հետագայում Աննա Թամացյանից ստացվել է որոշակի նամակագրություն կապված վճարումներ կատարելու հետ, սակայն նշված երկու ամիսն անցնելուց հետո 155.000 (մեկ հարլուր հիսունհինգ հացար) ՀՀ դրամ րնդհանուր պարտքից վճարել է ընդամենը 10.000 (տաս հազար) ՀՀ դրամ և դրա հետ կապված 11.03.2019 թվականին հարուցվել է կարգապահական վարույթ։ Կարգապահական վերջինիս ուղարկվել հետ hwnnigtinig է որոշումը, իրավունքների պարտականությունների պարզաբանում, սակայն վերջինիս կողմից որևէ արձագանք չի եղել, միայն խորհրդի նիստից առաջ հեռախոսզանգի միջոցով տեղեկացրել է, որ արտոնության դիմում է ներկայացրել, որից հետո կապ է հաստատվել փաստաբան Աննա Փամազյանի հետ, որպեսզի վերջինս նախկինում ուղարկած էլեկտրոնային նամակը նորից ուղարկի, նորից ուղարկելուց հետո պարց է դառնում, որ նախկինում ներկայացրած դիմումը եղել է անստորագիր և սահմանված ձևին չի համապատասխանել, ուստի մուտք չի եղել Պալատի գործավարության համակարգ և հետևաբար ֆինանսական ծառայությանը չի մակագրվել։

Ֆինանսական տնօրենը նշել է, որ 27.08.2019 թվականին փաստաբան Աննա Թամազյանը երկու դիմում է ներկայացրել։ Մեկ դիմումով խնդրել է 155.000 (մեկ հարյուր հիսունհինգ հազար) ՀՀ դրամը տարաժամկետել, իսկ մյուս դիմումով՝ տրամադրել արտոնություն, որոնք բավարարվել են։ Խորհրդի անդամի այն հարցին, թե այդ անստորագիր դիմումը մակագրվելու դեպքում արդյոք որևէ իրավական հետևանքներ կառաջացներ, վերջինս բացասական պատասխան է տվել՝ պատճառաբանելով, որ փաստաբան Աննա Թամազյանն այդ պահի դրությամբ ունեցել է անդամավճարի պարտք, ուստի կարգի համաձայն՝ արտոնություն չէր կարող տրամադրվել։

5. <u>Գործի հանգամանքները՝ առկա ապացույցների վկայակոչմամբ.</u>

Պալատի խորհուրդը, ուսումնասիրելով գործում առկա գրավոր փաստաթղթերը, հաստատված է համարում հետևյալ փաստերը.

- 1) փաստաբան Աննա Թամազյանը փաստաբանական գործունեության արտոնագիր է ստացել 09.11.2006թ. (հաստատվում է Պալատի ընդհանուր դեպարտամենտի ղեկավարի կողմից տրամադրված տեղեկանքով),
- 2) փաստաբան Աննա Թամազյանն ունի 155.000 (մեկ հարյուր հիսունհինգ հազար) ՀՀ դրամ գումարի չափով՝ 2016թ. հուլիսից 2019թ. հունվար (ներառյալ) ընկած ժամանակահատվածի համար անդամավճարի մուծման չկատարված պարտավորություն (հաստատվում է Պալատի գլխավոր հաշվապահի կողմից 06.03.2019թ. տրամադրված տեղեկանքով),
- 3) փաստաբան Աննա Թամազյանն իր անդամավճարի պարտքը մարել է մասնակի (հաստատվում է Պալատի գլխավոր հաշվապահի կողմից 06.09.2019թ. Խորհրդին տրամադրված տեղեկանքով)։

6. <u>Պատասխանողի անձը բնութագրող հանգամանքները.</u>

Պալատի ընդհանուր դեպարտամենտի ղեկավարի կողմից տրամադրված տեղեկանքի համաձայն՝ Աննա Թամազյանի (արտոնագիր՝ 648, ստացված՝ 09.11.2006թ.) նկատմամբ 2015-2019թթ. ընկած ժամանակահատվածում անդամավճար վճարելու պարտականությունը չկատարելու հիմքով կարգապահական վարույթ չի հարուցվել (չհաշված սույն կարգապահական վարույթը)։

7. <u>Պայատի խորհրդի պատճառաբանված եզրակացությունը և որոշումը.</u>

Հիմք ընդունելով Պալատի խորհրդի կողմից հաստատված փաստերը, դրանք հիմնավորող գործում առկա ապացույցները և քննարկվող իրավահարաբերությունները կարգավորող կանոնները, Պալատի խորհուրդը գտնում է, որ փաստաբան Աննա Թամազյանին պետք է ենթարկել կարգապահական պատասխանատվության, հետևյալ պատճառաբանությամբ.

«Փաստաբանության մասին» ՀՀ օրենքի (այսուհետ նաև ՝ Օրենք) 17-րդ հոդվածի 1-ին մասի 3-րդ պարբերության համաձայն՝ փաստաբանը փաստաբանների պալատի սահմանած չափով և կարգով մուծում է անդամավճար՝ փաստաբանների պալատի ընդհանուր պահանջների և փաստաբանական գործունեության իրականացման հետ կապված այլ ծախսերի համար։ Նույն օրենքի 19-րդ հոդվածի 1-ին մասի 5-րդ կետի համաձայն՝ փաստաբանը պարտավոր է մուծել անդամավճարներ։

Համաձայն Կանոնագրքի 2.9.1. կետի՝ փաստաբանը պարտավոր է սահմանված կարգով և չափով Պալատին վճարել անդամավճար։

Համաձայն ՀՀ փաստաբանների պալատի խորհրդի 26.12.2013թ.-ին թիվ 33/6-L որոշմամբ ընդունված «Անդամավճարների, մուտքի և այլ վճարների վճարումների վերաբերյալ» կարգի (այսուհետ նաև՝ Կարգ) 7-րդ կետի՝ փաստաբանները յուրաքանչյուր ամսվա համար անդամավճարների վճարումը կատարում են հաշվետու ամսվան հաջորդող ամսվա մինչև տասնհինգը, իսկ նույն Կարգի 21-րդ կետով սահմանվում է, որ ամենամսյա վճար վճարելու պարտականությունը խախտելու համար փաստաբանը կամ օգնականը ենթակա են կարգապահական պատախանատվության։

Վերը նշված նորմերի վերլուծությունից հետևում է, որ սահմանված ժամկետներում անդամավճար չվճարելու համար փաստաբանը ենթակա է պատասխանատվության։

Փաստաբան Աննա Թամազյանը խախտել է վերը նշված նորմերի պահանջները, որն ապացուցվում է գործում առկա՝ ՀՀ փաստաբանների պալատի գլխավոր հաշվապահի կողմից 06.03.2019թ. տրամադրված տեղեկանքով։ Ավելին՝ կարգապահական վարույթ հարուցելուց հետո էլ նա շարունակել է խախտել վերը նշված նորմերի պահանջները և կարգապահական վարույթը Խորհրդում լսվելու ժամանակ էլ վերը նշված խախտումն առկա էր։

Խորհուրդը կարգապահական տույժ նշանակելիս հաշվի է առնում, որ որ սույն որոշումը կայացնելու դրությամբ փաստաբանը նախկինում նմանատիպ խախտման համար չի ենթարկվել կարգապահական տույժի, ինչպես նաև այն հանգամանքը, որ կատարել է անդամավճարի պարտքի մասնակի մարում։

Ելնելով վերոշարադրյալից և ղեկավարվելով «Փաստաբանության մասին» ՀՀ օրենքի 10-րդ հոդվածի 5-րդ մասի 14-րդ կետի, 39-րդ հոդվածի 1-ին մասի, 39.7 հոդվածի 5-րդ մասի 1-ին կետի, 39.9 հոդվածի 1-ին մասի 1-ին կետի, «Հայաստանի Հանրապետության փաստաբանների պալատի կանոնադրության» 16.26-րդ կետի, Կանոնագրքի հավելվածը հանդիսացող Փաստաբանի նկատմամբ կարգապահական վարույթի իրականացման կարգի 30-րդ հոդվածի 5-րդ մասի 1-ին կետի, Կարգի 21-րդ կետի պահանջներով խորհուրդը՝

በՐበՇ৮Ց՝

- 1. Փաստաբան Աննա Թամազյանին (արտոնագիր՝ թիվ 648) ճանաչել մեղավոր «Փաստաբանության մասին» << օրենքի 17-րդ հոդվածի 4-րդ մասի, 19-րդ հոդվածի 1ին մասի 5-րդ կետի և Կանոնագրքի 2.9.1 ենթակետի պահանջների խախտման համար։
- 2. Փաստաբան Աննա Թամազյանի (արտոնագիր՝ թիվ 648) նկատմամբ կիրառել կարգապահական տույժ՝ նկատողություն։
- 3. <անձնարարել Պալափի աշխափակազմի ղեկավարին՝ սույն որոշման մասին իրազեկել փասփաբան Աննա Թամազյանին։

<u>Ծանոթություն.</u> Սույն որոշումը կարող է բողոքարկվել դափական կարգով՝ այն սփանալու օրվանից մեկամսյա ժամկեփում։ Սույն որոշումն օրինական ուժի մեջ է մփնում սույն կեփով նախափեսված բողոքարկման ժամկեփն անցնելուց հեփո։

<< փաստաբանների պալատի խորհրդի կարգապահական գործով նիստը նախագահող՝

Կարապետ Աղաջանյան

06 սեպտեմբերի 2019թ. թիվ ԿԳ/130-Ա ք. Երևան